

**Ed.**

**255. Breytingartillögur**

[65. mál]

við frv. til l. um breyt. á lögum nr. 24 29. marz 1956, um almannatryggingar.

Frá 2. minni hl. heilbrigðis- og félagsmálanefndar (AGI).

1. Við 2. gr. Greinin orðist svo:  
10. gr. laganna falli niður.
2. Við 3. gr. Greinin orðist svo:  
13. gr. orðist svo:  
Ellilífeyrir er greiddur þeim, sem orðnir eru 67 ára.  
Árlegur ellilífeyrir er kr. 14400.00 fyrir hvern einstakling, sbr. þó 23. gr.  
og 76. gr., 3. mgr.

Nú frestar maður töku ellilífeyris, og fær hann þá 7.5% í viðbót fyrir hvert heilt ár, sem líður, án þess að hann taki lífeyrinn. Viðbót þessi má þó aldrei nema meiru en 60% af fullum lífeyri. Frestun á töku lífeyris telst lokið, þegar hlutaðeiganda er úrskurðaður ellilífeyrir í fyrsta sinn.

3. Á eftir 3. gr. komi ný grein, er verði 4. gr., svo hljóðandi:

14. gr. laganna orðist svo:

Rétt til örorkulífeyris eiga þeir menn á aldrinum 16—67 ára, sem eru varanlegir öryrkjar.

Ef örorkan er 50% eða meira, greiðist hálfur örorkulífeyrir fyrir 50% örorku, hækkar síðan um 2% fyrir hvert örorkustig, sem við bætist, unz örorkan nemur 75%, þá greiðist fullur lífeyrir.

Örorkulífeyrir er jafnhár ellilífeyri, sbr. 13. gr., og greiðist samkvæmt sömu reglum, eftir því sem við getur átt.

Tryggingalæknir metur örorku þeirra, sem sækja um örorkubætur.

4. Við 5. gr. Greinin orðist svo:

16. gr. orðist svo:

Fjölskyldubætur skulu greiddar foreldrum með hverju barni, þar með talin stjúpbörn og kjörbörn, sem eru á fullu framfæri foreldranna.

Árlegar fjölskyldubætur með hverju barni skulu vera kr. 2600.00.

Greiða má fósturforeldrum fjölskyldubætur með fósturbarni, ef fullvist er, að barnið sé á framfæri þeirra og hafi verið talið á framfæri þeirra samkvæmt skattframtali undanfarin 3 ár, enda ekki verið talið jafnframt á framfæri annars. Stytta má tímabil þetta, ef sérstakar ástæður eru fyrir hendi, svo sem ef barn er tekið í fóstur á fyrsta aldursári.

Börn örorku- og ellilífeyrisþega eiga rétt á fullum fjölskyldubótum.

5. Við 6. gr. Greinin orðist svo:

17. gr. orðist svo:

Barnalífeyrir er greiddur með börnum yngri en 16 ára, ef faðirinn eða móðirin er látin eða annaðhvort foreldranna er elli- eða örorkulífeyrisþegi.

Sömu réttarstöðu hafa kjörbörn og stjúpbörn, þegar eins stendur á.

Barnalífeyrir greiðist móður eða foreldrum barnanna, enda séu þau á framfæri þeirra, eða þeim öðrum, sem annast framfæri þeirra að fullu.

Árlegur barnalífeyrir með hverju barni skal vera kr. 7200.00.

Heimilt er að hækka barnalífeyri vegna munaðarlausra barna um allt að 100%.

6. Við 7. gr. Greinin orðist svo:

18. gr. orðist svo:

Mæðralaun skulu greidd ekkjum, ógiftum mæðrum og fráskildum konum, sem hafa eitt eða fleiri börn innan 16 ára aldurs á framfæri sínu.

Árleg mæðralaun skulu vera sem hér segir:

Með einu barni kr. 1400.00.

Með tveim börnum kr. 7200.00.

Með þrem börnum kr. 14400.00.

7. Á eftir 9. gr. komi ný grein, er orðist svo:

22. gr. laganna falli niður.

8. Við 10. gr. Greinin orðist svo:

a. Síðari málsliður 3. mgr. 23. gr. laganna falli niður.

b. Í stað „7%“ í 4. mgr. sömu lagagreinar komi: 10%.

c. Aftan við lagagreininna bætist ný málsgrein, svo hljóðandi:

Nú stundar örorkulífeyrisþegi nám meira en 6 mánuði á ári, og ber honum þá að fá tvöfaldar örorkubætur.

9. Við 16. gr. Orðin „allt að þremur“ falli niður.

10. Við 18. gr. Greinin orðist svo:

39. gr. laganna falli niður.

11. Við 20. gr. Greinin orðist svo:

53. gr. laganna, 4. mgr., orðist svo:

Sjúkradagpeningar skulu ekki vera lægri en kr. 30.00 á dag fyrir einhleypan karl eða konu, kr. 34.00 fyrir kvæntan karl eða gifta konu, sem er fyrirvinna heimilis, og kr. 7.00 fyrir hvert barn á framfæri.

12. Á eftir 21. gr. komi ný grein, svo hljóðandi:

59. gr. laganna, síðasta málsgrein, orðist svo:

Ef hlutaðeigandi er algerlega tekjulaus, skal Tryggingastofnunin greiða honum sjálfum 10% lágmarksbóta.

13. Á eftir 22. gr. komi ný grein, svo hljóðandi:

71. gr. laganna orðist svo:

Allar bótagreiðslufjárhæðir laga þessara eru grunnupphæðir, sem greiða ber verðlagsuppbætur á samkvæmt vísitölu framfærslukostnaðar.